

Il mas-chalch da Sent



Publicaziuns officialas. Cumpara seguond bsögn.
2009/2011
no. 38

7554 Sent, 17 favrer 2011 / bmr

Publicaziun da fabrica BAB

Reguarda: Isolaziun externa, Plan da Chavas 358, parc. no. 1171, 7554 Sent
Patrun da fabrica: Heidi & Eduard Kny, Augustinerstrasse 19, 4051 Basel
Profilà: 08.02.2011

Publicaziun da fabrica BAB

Reguarda: Sbodamaint e reconstrucziun chamonna, Val da Cuas 395A, parc. no. 1531, 7554 Sent
Patrun da fabrica: Lüzza Grand, Tuffarolas 356, 7554 Sent
Profilà: 10.02.2011

Publicaziun da fabrica

Reguarda: Fanestra nouva vers vest e müdar oura fanestras, Chavorgia 90A, parc. no. 217, 7554 Sent
Patrun da fabrica: Christine & Andreas Wetter, Steindlerweg 5, 8165 Schleinikon
Profilà: 10.02.2011

Publicaziun: **17.02.2011**

Termin da protesta: **09.03.2011**

Ediziun: Tuot ils plans sun exposts in büro cumünal.

Recuors: Protestas da dret public, cunter quistas publicaziuns, sun d'inoltrar infra 20 dis in scrit, a partir da la data da publicaziun, al Cussagl cumünal.

La cumischiun da fabrica

Da dar a fit a Sent

Tscherchà da dar a fit a Sent, a Stron 245, a partir dals 1. avrigl 2011, ün' abitaziun da 3½ stanzas, möblada o na möblada, cun cheminè, maschina da lavar giò e maschina da lavar giò' n schler. Fit al mais excl. cuosts supplementars frs. 1'250.--.

Tscherchà da dar a fit a Sent, a Stron 245, a partir dals 1. mai 2011, ün' abitaziun da 2 stanzas, möblada o na möblada. Fit al mais excl. cuosts supplementars frs. 900.--.

Annunzchas piglia incunter sar Daniel Zangger, tel. 055 534 47 40, natel 079 803 80 50 o daniel.zangger@hispeed.ch o famiglia Michel & Nienke Ebben, tel. 081 860 37 19, natel 078 899 57 81 / 078 899 57 82.

Daniel Zangger

Marcas da chans 2011

Chi chi nu n'ha amo tut in consegn la marca dal chan 2011, dess far il bain e passar in büro cumünal dürant las uras da büro, fin il plü tard als **28 favrer 2011**.

Administraziun cumünala

Giantar cumünaivel

Nos giantar da cumpagnia ha lö als 10 marz 2011 i'l restorant Val d'Uina. Partenza davent da la posta a las 11.42 h. Annunzchar pro Erica Clalüna, tel. 081 864 07 59. Sperond sün üna gronda cumparsa ed ün bel temp.

La corporaziun evangelica

Chalandamarz (mardi, 1. marz 2011)

Urari dal cortegi official

Crusch ca.	07.05 h (be scolars da 5-9avla)
Sur En (cumün) ca.	07.45 h (be scolars da 5-9avla)
Sur En (camping) ca.	08.00 h (be scolars da 5-9avla)
Sent (Avant Baselgia)	08.50 h (tuot ils scolars)
Schigliana ca.	09.50 h (tuot ils scolars + scoulina)
Chascharia ca.	11.30 h (tuot ils scolars)

Traget: Avant Baselgia - Bügliet - Sala - Stron - Surataglia - Vidos - **Schigliana** - Archas Sura - Archas - Schigliana - Bügl Süt - Curtin Sura - Curtin - Plazzetta - Saglina - Fora da Büz - Chasellas - Plaz - **Chascharia**

Bal da pitschens: 14.00 h – 18.00 h e 20.00 h – 24.00 h

La scoula

S-chalizzas da palperi

Adüna darcheu vegna reclamaziuns chi sajan s-chalizzas da palperi tanter il palperi vegl. S-chalizzas da palperi ston gnir allontanadas cullas immundizchas da chasa. Pervi da las s-chalizzas daja adüna darcheu üna reducziun dal rimborsamaint per tuot la chargia da palperi vegl, quai chi'd es ün grond dischavantag finanziel per tuot la regiun. La PEB giavüscha als respunsabels da resguardar quista chosa e da far il pussibel per amegldrar quista situaziun.

Pro Engiadina Bassa

Loipa Scuol – Martina

Bleras personas fan adöver da la loipa Scuol – Martina per ir a spass cul chan. A quels chi fan adöver da quai giavüschaina da tour adüna il chan in tschinta e da tour cun sai sachins ed eir allontanar ils excremains dal chan.

Il Cussagl cumünal



Gratulaziun a las vendschadras

La seguonda etappa da noss program d'actività „Sent in movimaint“ es stat dals 1. lügl fin als 31 december 2010. D'incuort es gnü trat la büs-cha. Trais participantas, Anna Maria (Annina) Mosca, Mengia Fried e Bina Albertini han gudagnà ün bun dal Sport Champatsch. Nus gratulain a las vendschadras ed ingrazchain a tuots chi han tut part a l'occurrENZA „Sent in movimaint“. Nus sperain cha blers sun darcheu da la partida illa 3. etappa chi düra dals 1. schner fin als 30 gün.

Tip sportiv: La loipa Scuol - Sur En fin prò la resgia da Ramosch es fich attractiva. Scha l'ora e las temperaturas laschan pro, pudaina giodar ella amo blers dis d'ürant quist inviern.

Schefa da cultura e sport

Schner 2011

Participants:

4 personas singulas

Soc. da gimnastica da senioras (9 personas)

Gener da sport:

Uras:

Puncts:

Aerobic	3	6
Passlung	49	98
Ir culs skis	60.5	121
Chaminar	168.5	337
Pilates	3	6
Nordic Walking	10.5	21
Hockey	6	12
Gimnastica	48	96
Total	348.5	697

Schefa da cultura e sport